

小峴山人詩文集

小覲山人詩集卷八

無錫秦 瀛凌滄

爲法時帆學士題詩龔雅集圖

家住禁城西蕭然淨塵滓西山逗簾角門映淪漣水一  
龔耽苦吟吟聲出屋裏君詩宗淡泊太羹有至味已參  
上乘禪早契無言旨閭巷集車轍莓苔印屐齒春風時  
款門吹送佳客至

勗細武

操觚學文字漸熟漸老成術業苟弗專厥莠胡由精治  
文如攻玉磨琢神迺瑩治文如冶金陶冶生光晶羣言

入鑪錘六籍儲菁英斯詣貴深造匪曰旦夕程汝今務  
帖括筆力頗縱橫惟苦所涉淺腕底疵類呈沙礫混精  
鏐砢砢雜素瓊勉旃更力學日邁月斯征技果進乎道  
豈獨取世榮

勗綳文

汝齡今十五未解習文史須知志學年年已非禪齒奈  
何更不學悠悠負長晷先王重四民四民莫先士詎惟  
弋高科將以通萬理人生天地間無如讀書美慎勿生  
厭苦咀之味愈旨吾家數百年弓冶只此是我貧無所  
貽貽汝一經耳過時而不學後悔不可止斯事不若人

當引爲已恥力學如力農畊耨自茲始

又爲時帆題秋寺說詩圖

七絃泠泠汎秋水學士之詩清莫比論詩不向金馬門  
翻來寂寞空山裏詩龕說法如維摩天花曼陀一彈指  
秋寺沈沈白鶴叫秋巖無人落松子羚羊挂角何處尋  
眞詮却悟忘言始

早春盆梅盛開招同法學士時帆何水部蘭士龔  
明府海峯王孝廉鉄夫集飲吳蓬時帆成七言長  
句一章和韻酬之

春風搖曳梅花天簾罅澹白浮茶煙屋小疑坐江南船

蓬窗只受三四友折柬招邀共尊酒且喜高歌杯在手  
滿斟醺醖醅酡顏紅霧眼忽墮春迷濛梅花半落酒已中  
西山冉冉斜陽紫寒雅欲栖客欲起禁城魚鑰催歸  
矣投我詩句騰龍梭倒翻墨海傾洪波才思欲決江與  
河夢想江南汎柔艣吳孃一曲爲君舞瀟瀟唱徹烟江  
雨

爲葉雲素舍人題借書舫圖

君家漢川上水色鴨頭綠門對大別峯峯翠溼茅屋書  
齋小於舫常有江雲宿一榻置萬卷長日枕書讀道勝  
愜眞樂才高徇微祿披圖念故廬蕭蕭映水竹

和雲素移居詩用田山薑先生韻

我生不乘下澤車長安翻以官爲家日日黃塵抗烏帽  
泥沙沒踝同奔輶舍人江漢老詩客比亦拓落趨冷衙  
卜居宣武近菜圃寒菽抽甲紛欹斜鹽齏醬瓿雜萬卷  
忘憂惟種紅護花雲素迎母夫人甫至京春風夢回借書舫漢陽  
城樹啼昏鴉催詩火速送急遞奚啻羯鼓鼙鼙搗濡豪  
媿乏煉石手補天五色煩女媧

何蘭士過訪吳蓬以詩畱贈和韻走答

短簷竹屋小於蓬長日頻來好友同轉轂年光侵穀雨  
鬪茶天氣颺花風詩成水部才眞妙別到司勳酒已中

時方送友 畫舫五湖重入夢又看飛絮打簾櫳  
人還鄉

才名伯仲日邊春

謂令兄戶部硯農

會合吾曹亦夙因上黨地

稱天下脊王官君是谷中人一尊回首雲山壯四海論  
交縞紵新投我詩篇多逸響風生嶰竹奏伶倫

爲龔海峯題載書圖

海峯來京師不羨官爵美日向坊間購異書夜就燈前  
緝故紙前身應是老蠹蟬性命總不離文史典衣竟買  
三萬弓堆案盈箱富無比混沌初鑿天兩粟赤文綠字  
蒼沮始書稱汲冢竹紀年秦皇劫灰燒不死人生讀書  
貴有用剩說卮言等糠粃博物瑣碎研蟲魚康濟無術

還足恥汗牛充棟奚以爲木駟泥龍亦徒爾海峯負奇  
略早試烹鮮技通經致遠無不宜水截鳬鷺陸剗兕散  
材如我媿樗櫟只合埋頭文字裏回憶吾家味外閣牙  
籤玉軸秋雲委

先宮諭公味外閣藏書頗富今已散佚

羨君獨有連車書

絕勝黃金壓行李

### 爲朱廉石題白雲紅樹圖二首

秋色不可極夢落秋崖前樹如赤瑪瑙雲似兜羅綿僊  
寵軒皇藥蒼苔鹿洞烟素衣君未化妙手寫林泉  
三十六峯幽白雲無盡頭此中有親舍楓樹故山秋知  
爾動歸思因茲成臥遊西風入畫卷挂壁響廳廡



寒食

陌上人家挂紙錢江南寒食賣餠天悲深我蔚餘雙淚  
別到松楸近六年他日瀧岡應表墓何時頻上便歸田  
故園兄弟俱分散每向春風一惘然

清明後三日邀同周希甫江漪塘葉雲素栞柯張  
小令金瑤岡過崇效寺看花

春風昨夜海棠顛游冶青廳非少年訪勝漫尋芳草地  
傷春愁過落花天閒來尚剩詩爲祟老去方知佛有緣  
認取前人泥印爪寺多前團蕉綠茗證安禪

爲楊六士題泣硯圖

我父授我書書存父云殂君母授君硯硯存母不見皋  
魚有淚號蒼穹風木之憾將毋同父書不讀我滋愧輸  
君鉄硯常磨攻黃沙絕塞重回首大瓢山人爾其後硯  
兮幾歷昆明劫海枯石爛何人守大瓢山人名賓曾省  
父於遼海戍所以此  
硯自冉冉蟾蜍晝吐光隨君不離文史旁文壇高步致  
科第只今方作尚書郎慨然中夜歌明發廿年夢斷懷  
中橘畫圖寫出寸草心老屋悲風卷蕭瑟

飲酒有作四首答吳中親舊

天河翻却洗牢愁拔劍狂歌君且休海上東坡惟說鬼  
人間李廣未封侯何須姓氏書麀閣早擬功名付貉丘

苦憶菊花村釀好一尊應醉故山秋

崎嶇不信有康莊絕坂鹽車上太行漫說塞翁真得馬  
誰知岐路轉亡羊窮如東野看吟篋狂擬無功問醉鄉  
泥飲浮蛆拚撥甕笑他朝市一生忙

蕭蕭雨打鮑家墳朋舊凋殘感失羣齊物自編蒙叟論  
絕交應廣孝標文尊前秋夢涼於水笛裏愁心遠化雲  
五十飛騰憐暮景行藏底用卜靈氛

廿年塵海絆浮名未悔勞薪悞此生細雨寒鐙欺客夢  
亂山孤角變秋聲故人別後頭俱白異地書來眼暫明  
漁艇夕陽閒載酒滄江已負鷺鷥盟

武溪吟寄桂堂太守

武溪水何深深遠在沅湘之浦洞庭之陰  
紉芳蘭兮采杜若美人渺渺愁余心憶昔  
長安共繾綣朝朝命酒華陽館王郎世孫  
拔劍徐郎嵩歌酒酣每歎白日短徐郎  
下第歸東吳水雲夢冷栖菰蘆羨君領郡  
身佩符別我亦上湘江舫頻年分手各南  
北荏苒歲月悲啼蛄今春寄我新詩好我  
與王郎兩傾倒但見君詩不見君伏波巖  
畔秋風早我思武溪水聊爲武溪吟一聲  
橫笛空江上木葉蕭蕭何處尋

爲曾賓谷員外題西谿漁隱圖

八曲山房詩集  
卷之三  
螭螭古塞荒雲暮冷鴈沈沈叫秋雨有夢不作江南游  
眼中笑見秦亭樹江楓倒浸玻璃天夕陽打漿瓜皮船  
綠簑黃箬者誰子一竿獨拂西谿煙夫君飄飄有仙骨  
本是人間釣鼇客偶向溪頭學老漁秋風嫋嫋葦絲碧  
三十六里清若空蜩火明滅蒹葭葢浮家最羨元真子  
著書便擬天隨翁我生不願八州督得長五湖計亦足  
墮落塵埃五十年漁弟漁兄笑儂俗與君招隱賦邱園  
鶴怨猿驚那可論試問西溪烟水路回頭亦似武陵源  
熱索橋歌寄方葆巖奉常楊荔裳舍人

方楊兩君隨大將軍福公征廓爾喀書來爲予

言雨中戰熱索橋事橋在絕壁之下俯臨溪澗  
恠石叢箐間人馬驚墮如站鳶落水兩君足繭  
徒步攀陟幽險屢瀕于危幸大兵摧堅破壘竟  
得大捷余爲詩以紀卽寄兩君

熱索橋雨瀟瀟其地去烏斯藏二千里而遙前有虎豹  
啼後有熊羆咆下俛深湫百尺水黝黑上臨怪石千仞  
山嵒巒古來行人轍跡所不到拋擲荒外萬古陰風號  
方奉常楊舍人胸有兵甲藏鈴韜書生橐筆身佩刀從  
戎慷慨人中豪書來爲言抵絕域所歷奇險非人料巉  
巖峯嶒凌層霄羊腸鳥道不可以徑度仄徑一綫緣秋

毫攀蘿捫磴僅容趾澁縮股脚昂頭尻巖頂太始雪爰  
夏不肯消亂樹離立疑山魍魎輪蕩涵雲氣裹轂同飄  
颻驚瀧撇下幾千丈盤渦怒起噴洪濤長江蜿蜒界厓  
厂對面石壘憑陵喬是時將軍方趨戰師中號令嚴斗  
刁我兵見賊不見橋一一撒手懸空跳橋如弓彎踏其  
躡萬夫齊趾一脚趨欲渡未渡風搖搖下視惶惑魚龍  
驕我兵至是勇百倍自覺腹背生羽毛忽騰而起鷹脫  
條或擲而過狼孫豹子高下隨猿獾距躍曲踊惟所遭  
頃刻竟已逾其壕如衽席過無膚撓賊酋望風早破膽  
各鳥獸散紛逋逃是時兵合不見賊橋前橋後但聽軍

聲鑿轟然礮車走霹靂烟林雨箐何啻夷陵燒投膠飲  
馬行告捷碧簇直覆妖鳥巢飛章草奏不律煩君操朱  
鷺一曲喧金撓歸來險境化平地爲爾重歌熱索橋

西神看雲歌寄友

人生蠖屈亦常耳爾獨何爲飢欲死杖頭絕少青銅錢  
却向西神看雲起西神九曲何逶迤神龍天矯鱗之而  
雲中有爪欲作攫拏狀憐君凡骨不得翳鳳驂文螭探  
泉只訪若冰洞辟穀獨坐媧皇祠以上皆來書中語爾昔少年  
頗跌宕五陵游俠何其壯我曾拉爾共作金陵游爛醉  
狂呼酒樓上月夜同披紫綺裘說劍談詩更神王荏苒



歲華秋復春爾今頭白行年六十徒悲辛既不能乘風  
萬里作雷雨又不能鋤雲隴畔爲畊民有母不能養有  
妻亦已棄無女無兒空一身只有西神之雲與爾作伴  
侶荷鋪他年便埋此我將一盃濁酒澆爾之詩魂願爾  
千秋萬世化爲白雲長住空山裏

答時帆卽用其韻

秋風動塞垣露逼葦花冷夢墮淨業湖詩龕得清境緬  
彼龕中客日夕對西嶺河漢淡不流坐破蘿月影緘詩  
寄遠道佳句時一騁難燭試長晷聞鐘夜方永

三懷詩三首

宛溪懷顧景范先生

風竹蕭蕭一草廬鄭樵當日紀方輿百年未黍傷心後

兩戒山川聚米餘宛水尚思前處士莫釐終伴老尚書

崑山徐尚書開史局於洞庭山延先生爲助飢寒孫子凋零劇尚抱遺編守

蠹魚

先生著方輿紀要今原本尚存其家

陽溪懷嚴秋水先生

布衣獻賦帝城春史局纔成便乞身秋水未能忘傲

吏青山應尚識漁人畫中蕉雪王摩詰世外烟霞賀季

真太息墓田蕪沒盡荒岡寂寞鎖松筠

鱸塘懷顧梁汾先生

才華豔絕動平津紅藥聲名日下聞高義早還吳季子  
謂吳風流不減杜司勛花間綺語三生業松底禪心半  
漢槎屋雲惆悵應劉俱宿草貫華誰與重論文  
惠山忍草莽之貫華閣先生與成容著陳迦陵諸公論詩處

雜詩八首

塞垣寂無懽渺然思林樾故園此時秋山中桂花發寒  
厓石氣青一徑香不歇涼蟾逗疎叢泉邊上明月因懷  
招隱心淮南興超越別來經六年盍返山中轍  
瑟縮魚服龍不如北溟鯢耗薶羊公鶴不如鵠高騫騏  
驎困晉坂鷄鷄贈魯門丈夫負奇抱而乃羈籠樊有志

苦未遂何殊虱處禪牀頭視長劍光氣燭朝昏偃蹇長  
安道白髮忽已繁功名行可知不用季主言

人生去鄉國無不念邦族葛藟庇本根古人誼尤篤太  
息今士夫往往疎骨肉童僕厭臙梁至親缺饘粥予敢  
昧斯義忝竊食朝祿無如升斗微芻秣每不足弟妹久  
離居遠在五湖曲書來多苦言匱乏歎仰屋焉能視浮  
雲中懷如轉轂

蕭蕭庭前葉一落不復駐悠悠川上波一去不復住人  
生百年內蜉蝣同旦莫言念平生歡大半已成故生前  
氣誼親小別愴情慄何況重泉下萬古永不寤默默傷

我懷作達媿桑扈

黃梅喻石農

文鑒

詩才頗卓犖我未識其人却見石農

作時流競蟬噪君詩若鸞鶴其源祖太白上與風騷薄

日月供搏弄山川恣磅礴斯黃百年來大雅稍寂寞不

謂黃公

顧景星

後斯人奮詞鏑祖庭秋泉清濯港秋風嫋

知君出山未蕭寥邈雲壑

葉雲素

近作黃梅  
出山圖貽石農

韓歐久不作文字日以衰卑者就疲茶高者騁惟奇按

之古人法於義皆乖離譬之入榛莽蕪穢不可治吾友

有惕甫

王芭孫

喜爲古文辭猷窺孟縣祕不顧時俗嗤比

歲日過從與我相切劘百川障狂瀾中流誰能檣百年

緬前哲望溪其可師

余於近時古文家獨推望溪方氏惕甫頗建余言

吾郡洪亮

亮與孫星衍

二妙皆奇絕同官周

有聲

與葉

繼

其才

並超軼狂狷雖殊趨要各抱冰雪落落塵埃中意有所  
不屑奇文闕羸劉與字搜籀頡倬暇時討論斷斷奮辭  
說長安一以別儻忽換鵲鵲相期其心賞感此衆芳歇  
蠨蛸網虛檐蟋蟀鳴敗壁離人感蕭瑟檠背燈如粟

叶

有弟入我夢訪我陟沙磧別汝已八稔每歎形影隻不

知重泉下何以生羽翮苦道念我切到此慰寂歷塞垣

虎夜嗥慎莫驚魂魄迴風振蓬蒿林響策策山鬼暗

窺人陰房燐火碧

塞上咏楓葉

百疊雲嵐萬木蒼  
深林冉冉變丹黃  
亂山濃染鵬翎雨  
古磧寒飛鴈背霜  
開樹秋殘迷遠嶽  
江楓朔冷夢橫塘  
分明記得吳淞路  
落徧漁村共鱉莊

謁椒山先生祠

在京師宣武門外

誰煽鈴山焰  
朝廷政不綱  
九重愁虎豹  
兩疏擊豺狼  
夢夢含元殿  
孜孜偃月堂  
上方誰請劍  
孤憤獨飛章  
鬼暗嘑風雨  
天高叫闕闖  
心惟報君父  
官莫笑曹郎  
作尉經投竄  
櫻鱗倍激昂  
毒難防孔雀  
邪自觸神羊  
佞冑門多累  
荆公孽有雱  
縻軀甘鼎鑊  
詔獄急銀鐙  
膽壯支三木

辭危引二王不聞戮京下先見殺膺滂棘寺銅筋折梅  
花鐵骨香先生獄中爲冀渭公寫梅  
花卷有古瘦清香之句鬚眉真忼慨巾幘  
苦淋浪碧血留東市丹忱錄太常姦應鑄嵩相寃定訴  
高皇落日荒祠在空亭大鳥翔招魂何處所帝欲遣巫  
陽

接待寺弔劉蕺山先生

按先生年譜崇禎十五年十二月罷都御史職  
嘗寓宣武門外之接待寺幅巾野服讀易不輟  
吳公麟徵祁公彪佳劉公理順時過從講學凡  
六月始從潞河還里歸逾年而北都之變作繼



從福王於南都以馬阮枋用投劾歸不一年福王又亡先生絕食死

已忤宜興相將歸剡水雲孤臣還戀闕三宿不忘君天地窮陰閉朝堂厝火焚幅巾看老易未喪在斯文萬古騎箕尾英靈迴未銷遺弓鼎湖水精衛浙江潮鶴定歸華表人誰賦大招夕陽孤寺冷雪柏影蕭蕭

雪中曾賓谷以長歌見貽走筆酬之

長安雪花大如席一夜平堆四五尺有客貽詩送急遞樹裏禽聲正磔磔九衢蕭蕭風色寒年年歲暮懷鄉關西神之峯勞夢寐忽誦君句增長歎雪中探梅花鬢鬢

綠酒紅粧昔年好

此余向時與同人事雪中游惠山故事

故人寂寞半黃土

歲月堂堂去如掃我生但少二頃田坐令奔走成華顛

回首家山若五嶽棕鞋桐帽知何年且復邀君飲銅斗

飲罷寒蟾射牕牖此時江南梅又花爲問梅花笑人否

### 雪霽訪劉澄齋

積素盈廣庭門巷皓方潔之子隔星居閉關謝塵轍獨  
坐林石間把卷吟乍歇短籬逗茶烟斜陽映松雪孤懷  
一以澹幽鳥鳴不絕忽見屋角山蒼然滿城闕夢憶江  
南人梅花不堪折

### 題畫

小嶼山人詩集  
開到梅花雪已消  
春江漠漠長新潮  
有人閒放梅邊艇  
撐過前村獨木橋

送二女

薄宦滯京雒  
戚戚殊寡懽  
未免兒女懷  
惜別情彌酸  
汝少不離膝  
晨夕侍煥寒  
一朝遠父母  
送汝登車難  
汝姊別三載  
將自瀟湘還  
姊來汝却去  
我念集百端  
丁寧我語汝  
珍重須加餐  
題絨託征鴈  
慰我書平安

曾賓谷擢任兩淮都轉適有浙獄大司馬慶公挈

以偕行馳傳出都匆匆走送得七律二章

匆匆分手別春明  
銜命兼爲讞獄行  
殘雪亂山連驛

路落梅一遞到江城看花我憶揚州夢擁傳君隨使者  
旌重過家園應見憶九峯如畫鎖柴荆

君叢游惠山家園於見貽詩中

之及

此日三賢有替人輸君風雅接前塵案頭判牘籌鹽筴  
畫裏看雲理釣緡

君曾作西溪漁隱圖

白舫最憐邗上月紫駟重

踏武林春西溪山色還無恙未許漁郎再問津

### 慈仁寺

偶暇入香積天寒希客逢寺門僧掃雪籬徑鶴歸松高  
閣見諸嶺夕陽聞暮鐘導師方丈在煮茗話禪宗

癸丑三月廿六日同王鐵夫華蕩莊徐朗齋崇效

寺看牡丹並觀拙公上人青松紅杏圖卷及漁洋  
竹垞兩先生題咏朗齋書同游姓名於卷尾並成  
五古一章卽用其韻

長安七送春中懷如轉輓朝來雨新霽鳴鳥喧我屋勝  
情老未減塵土鄙食肉點筆傍石闌花氣薰晴旭

余齋中藤

花盛放

門外多好風催我著春服王徐踐夙諾華君來不

速行行近招提鼻觀衆香撲幡幢晝院清薜蘿古徑曲  
紅雲已狼籍苔茵覆蔚緝

寺以海棠稱勝時已謝

剩有鼠姑花罌

穀眩人目光濃垂絳羅陰密張翠幃惜少黃荃筆冰綃  
寫半幅拙公餘舊卷題咏了可讀松杏想青溝疑坐田

盤谷斯人久物化禪牀塵尾禿一龕證楞伽留此花間  
策僧徒供雪碗茗荈可醫俗深林看鵲怖新蘚呼鶴啄  
展卷署姓名歲月聊紀錄齒魏稱長三人等弟畜人  
生風中鷄少壯成老宿蒼顏松皮纒衰鬚石紋駁因思  
去年遊泥爪認前躅拄頰只西山無恙佛頭綠此時江  
南好四月樓筍足如何別家園回首若五嶽浮名終礙  
道清游却關福所期師古人作達且秉燭誓言約朋好  
明朝此重續

管韞山同年預  
作明日之約

翼日偕管韞山侍御楊蘭圃華岷雨兩孝廉復游  
崇效寺

背郭花風暖寺門開佛香言持印竹杖重到蒼公房野  
鳥窺人熟閒雲笑客忙終悲軟塵裏策馬又斜陽

玉泉道中

泉邊夜來雨漠漠長青蘋村水不容路山雲常近人閒  
聽谷鳥變細數林花春安得翠微住長將緇錫鄰

送蔡生維鈺下第歸里

都亭楊柳雨霏微且返江南舊釣磯失意青雲無路上  
關心白髮送人歸潞河明日孤蓬遠京雒春風萬事非  
暫醉一尊桑落酒淚痕休滴老萊衣

題畫

飛瀑界空嵌嵐翠碧於染遙聞搗藥聲人家在西崦

劉諫議祠

在昌平

祠宇猶傳諫議名荒祠寂寞走鼯鼯時危政已歸常侍  
年少人誰重賈生芻狗功名紛甲第寒蟬事業半公卿  
寢門慟哭思前事萬古銜冤感未平

小齋徧插芍藥與內子同飲賞之

聞說豐臺種絕殊一城春擔雨如酥有人把鏡傳鸚母  
幾日看花過鼠姑容易深閨得良友縱然侍婢亦名姝  
明宵婪尾還開讌絳蠟重燒倒玉壺

友人自金陵來示余靈谷寺詩振觸舊游得詩一



首

荒墩繫馬趁斜陽  
一勺靈泉我舊嘗  
王舍城中花雨散  
誌公墓下蘚痕蒼  
六朝陳跡雲生徑  
八月深山葉滿廊  
閒殺老僧秋樹底  
菩提慣與數興亡

小嶼山人詩集卷八

小峴山人詩集卷九

無錫秦 瀛凌滄

余之官泐中京師諸同人各以詩文相贈賦此畱別

桑乾曉色鳳城煙  
悵悵無端到別筵  
此去獨探山水窟  
從來難忘友朋緣  
一尊酒盡黃花雨  
九月魂銷白鴈天  
博得臨歧佳話在  
行囊歷徧贈行篇

途中雜詩

歲月匆匆去燈前淚又彈  
余大女於今春自長沙還甫八月耳情深語轉怯  
老至別尤難  
多病憐渠弱  
長途念母寒  
時余內子先從潞河還里

京華少弟妹珍重寄平安

別大女

山色壓桑乾三秋立馬看風高鵬影急日落鴈聲寒軒

帝遺邱古公孫霸業殘易京樓畔宿回首望長安

涿州

漢氏經生重儒林一代中村還憶韓傳里尚紀毛公文

獻無前詰弦歌有古風如何誇姪女偏說數錢工

河間

遙計家人輩揚舲過直沽平安倚舟楫迢遞歷江湖兒

女卿長共田廬我久燕故園逢小雪指日盼歸舫

憶家人

落葉聲如雨蕭蕭送馬蹄斷橋山店外殘月數城西昨

與故人遇不知何處樓行行向京雒應寄數行題

穀城

寒潦三秋盡閒看渡水雲亂鴉爭落木一鴈背斜曛神

女魚山梵才人子建墳此間多古意詞賦最憐君

東阿

策馬經東兗殘碑不記年暮雲山驛裏疎柳墓門前當

日頻遭黜何人竟蔽賢三公曾不易吾道直如弦

柳下惠墓

極目魯城道龜陰十畝田青塍低傍水紅樹遠含煙堤

轉魚標隱村迴酒旆懸夕陽葭菼外斜見汶陽船

汶上

何處薦芳蓀荒祠淮上村千秋重巾幗一飯感王孫竟

抱藏弓恨終銜赤族冤釣臺高百尺落日渚烟昏

漂母祠

莫問雷塘路三生杜牧愁蘼蕪猶有淚歌吹不宜秋斜

月宮人翫西風帝子樓酒痕狼籍甚沈醉又揚州

揚州

隔岸南徐郭青山問六朝樓臺連海氣日月走江潮漁

唱秋蕭瑟龍吟晝寂寥暫醒塵土夢洗眼看金焦

江渡

古寺凌危磴滄江日夜喧雲浮高閣動潮捲斷崖奔木  
葉迷京口風帆下白門南朝多少事不與老僧言

甘露寺

月色澹歸櫂蒹葭水國秋殘尊江上酒橫笛郡西樓辨

語知鄉近看雲信客浮郵程頻借問可有故人舟

京口

骨肉家鄉在別來今幾春維舟頻訪妹見爾倍思親垂  
老顏俱瘦多愁家更貧慚余叨薄祿無以慰艱辛

見諸妹

夢憶碧芙蓉今真見九峯推蓬山色好如與故人逢絕

壁懸空翠飛泉倒影重舊時登眺處歷歷指雲松

望惠山

惠山寺

一別翠微久重來策杖登空山殘葉徑秋寺夕陽僧无  
垢慙諸相忘言慕大乘何年竹爐隱長傍佛龕燈

過類谷居懷亡友程湘左

花下昔同飲浩歌驚四鄰重尋身後劫難省夢中因寥

落嗟前輩

謂湘左外舅  
諸杏程先生

凋殘少後人朋交幾輩在頭白

話悲辛

味外閣古梅

讀書古梅下髣髴記兒時復此齋中宿梅花開幾枝先  
人不可作逝者竟如斯我亦驚衰老花前鬢已絲

青山寺

寶花寂歷散諸天無恙嵐光佛座前  
百劫難忘空說偈一官猶繫魏安禪  
青松鶴詒生前夢白髮人尋化後緣  
惆悵林泉揮手別不知重到復何年

靈隱寺

初日上東嶺山僧出寺迎空堂殘雪映  
隔竹暗泉生便欲飯猿坐因之采藥行  
時聞念佛鳥雲外和經聲

訪華秋槎於保叔塔下僧房

夫君罷官後獨自臥僧寮欲往孤山路  
相尋一水遙午鐘慶忌塔殘雪段家橋  
畱我湖干飲開尊話寂寥

桐廬

晨發富陽縣日夕禮桐君桐君不可見惟見桐廬雲樵  
客鋤松響仙禽拂藥聞巖光釣渚在高臥看星文

西臺歌弔謝皋羽

吁嗟乎參軍生不能隨丞相死燕市乃作天水行遽之  
遺民白鴈來兮朱鳥泣鳳凰宮殿何蕭瑟六陵金甌出  
人間乾坤一劍空嗚咽當年醉擊竹如意晞髮狂吟山  
石裂落日再拜冬青魂夜雨還啼子規血吁嗟乎不見  
參軍兮但見高臺百尺滄江隈魂兮歸來兮青山鬱鬱  
萬古松風哀瑤琴漆壤玉帶缺髣髴歌聲在林樾林霽  
山汪水雲一特義士誰其隣登臺憑弔一長歎作詩醉



君君應聞吁嗟乎參軍

七里瀧

古驛危灘接杳冥驚瀧七里響清泠未從越市尋梅尉  
先向桐江拜客星雲外鳥衝寒瀨白雨餘帆入斷崖青  
人生只合垂綸老萬仞高臺倚畫屏

縉雲縣

小邑萬山中人家古磴通雪明蒼嶺樹雲逐惡溪風戎  
馬餘荒壘畊桑尚古風所欣民俗儉雞酒說年豐

曉行

籃輿日日度羣顏隔嶺人家竹樹間誰道縉雲殘臍候

梅花落徧括蒼山

桃花隘

險絕桃花隘前朝百戰聞  
徒傳貔虎守不見鵲鵝羣  
海氣浮閩越嵐光雜雨雲  
黃龍猶有寺誰祀耿將軍

蘭溪

二月蘭溪水流春風催上木蘭舟  
一聲橫笛斜陽岸  
越女如花倚舵樓

憶故園

雙溪如畫弄清暉  
雨後濃陰濕翠微  
昨夢重經嚴子瀨  
頻年未息丈人機  
蓬蒿徑遠青山在  
煙水春深白鳥飛

料得五湖新漲滿桃花開遍釣魚磯

龍游得舍弟小泗書

一枕灘聲撼客舲忽傳書信到江汀  
十年兄弟多離別猶作彭城夜雨聽

將次衢州

鼓櫂三衢路荒灘落日曛溪春鄰柳竹樵幾接山雲酒  
入新愁減春從異地分是日春分爛柯偃蹇在洞口草微薰

縉雲山行

絕壁忽中斷往來惟白雲馬頭松徑窄屋背石泉分洞  
古曉猿坐天高孤鶴閒軒轅留舊蹟丹甍冷斜牕

鶯花亭

青山無語抱城低一路垂楊翦欲齊  
花落空亭春似夢亂鶯啼過夕陽西

晚憇石門懷故人用謝康樂韻

浮生滯簪組奔趨何時歇石門翫清景  
招我巖上月仰看山泉流俯聽溪風發  
美人渺難期獨宦限吳越形骸雖多累  
真性庶不伐聊把鳴琴彈寒泉生石髮

春日游石門用謝康樂韻

平生抱微尚幽居懷石門猥以捧節暇  
絕壁始一捫春風昨夜至芳草忽已繁  
撫今興獨往念昔情彌敦流泉

入洞戶落花盈酒樽牽蘿雪冥濛踏石雲飛翻坐久戀  
孤景意得理莫譖寂寂松下鶴噉噉礪邊猿散髮弄夕  
月揮手看朝暎時哉弗我與駛若溪流奔來者常爲誰  
古人寧復存謝公曠千載愴然悽心魂却向扁舟宿吾  
懷無與論

觀海

積氣浮溟渤吾身入混茫洪濛自噓噏望水忽低昂浴  
地星辰大粘天島嶼荒魚龍曉方靜一髮指搏桑

梅溪

夜來春水漲梅溪隔岸人家住崦西屋角青山深竹裏

雨昏時有郭公啼

望鴈蕩

獨往鴈山路亂峯愁我心海雲蟠地起石氣塞天陰不見樵牧跡惟聞猿鳥吟仙人招手去共住綠蘿深

斤竹嶺逢天台僧話舊

欲向天台去寒鐘百里聞人尋華頂雪僧渡越江雲古

寺生公塔

謂物成上人

桓碑有道墳

謂齊息園先生

相逢話前劫明

日手重分

太平道中

花落隨行幘亂山圍一陂林樾啼謝豹水淺浴鷗鵲城

堞甌殘壘烟村賽古祠紛紛春社裏神帳網蛛絲

望鴈蕩山不得登因作長歌

昨歲京邸逢徐嵩爲我會說鴈蕩之奇峯今年持節過  
海上忽見雲表突兀撐崆峒奇峯七十二朶朶青芙蓉  
靈湫瀑布幾千尺片片流出桃花濃剪刀橫截霞縷縷  
獅鼻亂捲烟逢逢莓苔斑駁似繡篆石上戛搏鳴笙鏞  
絕頂澄湖蕩空色鴈鷺飛浴無春冬平生愛奇誓欲往  
便騎白鹿鞭癡龍那知俗骨不可浣寒崖躑躅徒塵容  
老僧巖名合掌定一笑不得扶攜九節仙人筇籃輿只到  
謝公嶺前路流水迷長松名山錯過但招恨懔懔夢醒

聞清鐘明日緘詩寄徐子它年驂鸞控鶴還相從

江心寺謁文信國公祠

飄零丞相歷艱辛絲鬢風霜老戰塵南渡山川餘一旅  
中原天地識三仁誓登祖逖江邊檣憤激田橫島上人  
却望西臺更蕭颯杜鵑啼罷六陵春

舟行至仙巖寺

溪雨颯然至溪風吹客衣泉流分竹筴嵐影聚松扉危  
石偶閒坐亂雲無數飛山禽似相識啁哳話禪機

梅雨潭觀瀑

延緣歷危磴怪石皆倒銜澄潭闕石洞下有蛟龍潛混



沌忽崩峭造化不敢緘呀然開雙扉扉隙逗晨暹徑窄  
詎容蹠濺瀑裂素縑窺見澄潭色潭上垂珠簾乳積僂  
人液雷懸太古巖陰厓何年坼巨脊當中嵌東西割陰  
陽兩峽分霍溝颯然風雨至響落驚磨麋霏空灑急雪  
出瀧走奔帆須臾衆籟寂潭靜鋪寒匳澹澗浮淨綠澈  
灩浸蔚藍眺矚我已久獨立撫松杉仰面看窄峽側耳  
聆韶咸悟茲動靜理仁知悠然兼

山行

一步一危磴行行入翠微山雲穿竹過礪石夾泉飛傍  
海禽多恠緣坡稻更肥使君來往熟田父候荆扉

將軍嶺

曾說將軍駐風雲戰壘秋樹癡畱劍戟嵐鏑想兜鍪  
柵宵防虎入家曉飯牛太平經百載天靖海南陬

飛雲渡

飛雲渡口雲亂飛大風噏浪春危磯濤頭怒起高數尺  
噴沫濺瀑沾人衣翠螺青髻遶參錯島嶼出沒何依微  
飛雲曳白海吐綠低昂上下交含輝須臾變幻忽一色  
雲耶海耶誰是非使君祭神擊神鼓黃蕉丹荔祠天妃  
願祝馮夷且勿怒天高日晶風無威沙童打槳公竟渡  
鷗鳥浩蕩同忘機

立秋日憶張壻訥甫暨大女在京師

一別天涯水國遙  
井梧葉落又今朝  
鹿城樹色飄殘雨  
蜃海秋聲入暮潮  
京邸音書偏寂寞  
尊前絲鬢劇蕭騷  
殷勤兒女思何限  
不覺三千路更饒

再游仙巖寺

寺在大羅山之陽山高峻彌望皆白雲寺僧言山上有茅蓬一百二處習

靜者多居之

一百二茅蓬  
濛濛白雪裏  
空潭聞木魚  
山風雜松吹

芙蓉村

在鴈蕩山下

馬頭亂蒼翠  
朵朵玉芙蓉  
人在芙蓉裏  
安知是碧峯  
瓣含朝雨濕  
萼吐暮煙重  
遠道不堪采  
涉江何處逢

孤嶼有浩然樓或曰以襄陽游此賦詩而名余易之曰孟樓書以榜之并記一絕

雲海春濤水接天闌干遙入島入烟江心孤嶼題詩處  
最憶襄陽孟浩然

### 孤嶼懷古

六龍曾此駐金鑾行殿嵯峨壓怒湍如此江山重懷古  
幾回身世獨憑欄陰沈玉座莓苔冷寂寞珠林劫火殘  
欲覓閒僧談往事鐘聲遙荅海潮寒

弔顧尚書

尚書名錫嘯明亡後繇閩至甌爲悍將  
賀君堯所殺投屍江中乾隆丙申賜

諡

八明山人言集 卷之二  
一死葬魚腹天風吹夕波孤臣曾竄徙七尺已蹉跎家  
國迷滄海乾坤付汨羅精靈畱髣髴白日踏鼉鼉

### 東甌王廟

甌浦山前墓木衰東嘉遺廟斗城陞漢家幟入三秦地  
楚國人亡百越師烏喙雲仍餘霸業蜃江風雨護靈旗  
艱難想像分茅日伏臘於今自歲時

番

蛇音民

溫有投牒者自署稱番民其名初未識呼吏前致詢吏  
云甌括間厥種類頗繁齊民所弗齒罔或通婚姻輒受  
鄉里侮構訟良有因旣向橫陽道按部時周巡每見男

與婦阡陌走踐踈自言多姓雷雜處山海濱謂卽畚民  
是衣冠殊編氓我思聖王世蠶微歸陶甄畚民豈異  
族不與民等倫使君布德化坐令風俗淳鞠臚歌且舞  
何弗人其人

劉文成公祠

在石門

王氣鍾濠泗元勳應斗牛中原爭逐鹿滄海起潛蚪日  
月乘時會風雲杖策秋畊莘曾就桀獵渭已歸周世難  
紅巾熾天心黑青收黃輿浮馬渡赤幟斬蛇溝草昧知  
隆準經綸擬鄴侯營門一投謁帷幄重諮諏吳楚分天  
塹江山指石頭鼎旋遷維邑檄早定神州帶礪盟書在

君臣魚水侔殊榮傳鐵券畫像叶金甌太息論功日偏  
遲辟穀謀采芝眞已矣飲藥竟長休禮詎三朝替庸還  
十世酬隆中仍祀葛圯上尙封畱白鶴丁威化青山謝  
客游滄桑何日換草木不勝愁虛寢廊飛蝠空祠瓦竄  
颺陰符藏古洞寶劍葬靈渺福地欣持節寒灘偶繫舟  
攀蘿公宛在薦藻典重修龍馭瞻荒阜鷄鳴委廢丘還  
過讀書地長對石門幽

石門

連峯塞東南中斷巨靈擘天扉洩溟滓虛牝輕一擲空  
谷張谿頽危崖駭崩砦高飈吹亂瀑驚飛如裂帛迸石

石欲墮奔岸岸欲圻偶訪魏萬蹤一著謝公屐古人不  
可見潭雲向人碧惟聞風瀧喧寒氣生兩腋

青田

萬山圍古縣城郭俯清溪岸轉穿沙曲雲行壓樹低芝  
田畱鶴宿石洞隱猿啼却笑勞生拙秋來夢故蹊

由麗水夜行至宣平

夜發括蒼道明星猶在天林深出鬼火野僻少人烟巨  
壑灘聲壯危崖虎跡穿欲投前路宿小邑亂峯邊

富春夜泊

月出富春口空江水氣昏沙明微辨徑屋少不成村樹



影疑山鬼灘聲和夜猿蓬窗坐無寐移筏泊溪門

金華道中

不見當年沈隱侯西風殘葉一登樓停輿看徧青山色  
落日滄江古婺州

嚴州

一碧桐江水寒光浸睦州峯高多礙日灘暗總疑秋東  
漢祠堂古西臺慟哭休深林啼不住人與夜猿愁

爲阿雨窗都轉題導山別館圖卽和其韻

聞說越中好輪君弭櫂游苔痕穿徑古山色對門幽自  
愛林壑美了知身世浮公餘得真契極目固陵秋

十月霜氣薄曉來高館寒鴉邊葉乍脫鴈背雨初殘秦  
望極天淨湘流如此寬使君幽興劇對客不言官  
爲問招提路青山百里長僧閒臥藤影禽悅入嵐光葭  
莢沿溪亂旃檀隔塢香勾畱此十日何必羨仙鄉  
無數白雲出萬峯雲際橫寒梅澹日色亂竹瀉谿聲跡  
羨漁樵逸心知黼冕輕令余展圖畫忽動渡江情  
君辭淞中去車馬復紛紛征路沿荒驛行衣破曉氛去  
衝燕塞雪回望越江雲儻有南來鴈音書好寄聞

韜光用先高祖韻

雨後百泉響精藍竹筧通鳥喧孤磬外僧揖亂雲中滄

海潮生白微陽谷映紅祇慙逐塵鞅宦跡漫西東

爲徐聞齋題崆峒圖

峻嶒五嶽羅胸中我生蹟未登崆峒何當踏石看積雪  
便擬倚劍凌長虹金丹欲問廣成子泥竈已冷軒轅宮  
輪爾題詩到絕頂俯視塵寰如蠛蠓

龍井

獨坐撫奇石孤雲相與閒紅扶夾礪樹青受隔江山煮  
荈尋禪悟餐霞問大還斷碑猶可讀背手夕陽間

過谿橋

僧出碧溪送溪橋人獨歸回看嶺頭路積翠擁禪扉隔

竹數禽語亂山孤葉飛慚余學道晚未著水田衣

表忠觀

十四州寒劍氣消千秋遺觀鬱岿峩江東英武侔孫策  
隴右荒唐恥隗囂日月錦衣湖上苑風雷鐵弩海邊潮  
江村到處喧秋賽不定靈旗向晚飄

出鳳山門至淨慈寺

出郭不一里了見湖上峯殘陽媚寒篠積雪明孤松遠  
識暮禽影微辨歸樵蹤林烟水際上山僧石外逢入門  
叩方丈坐聞南屏鐘

阿雨窗招同張穆菴李春麓兩觀察泛舟西湖

故人招我問梅花共上西泠雪後槎撐過孤山又東去  
六橋風色酒人家

青蓮思曷盡風流轉憶明燈照水樓回首壺天已如夢

酒痕狼籍又杭州

九月六日雨窗觴余與碧坡方伯蘊山廉訪於小方壺之竹樓

金樽檀板畫船齊穿徧蘇堤與白堤一曲王郎歌未歇

彎彎月上水亭西

時有歌者王郎侍席

打槳西湖月色微水天驚起夜烏飛嚴城好爲留魚鱗  
酒綠燈紅緩緩歸

都轉叔父自家鄉蒞浙江新任賦呈

一紙除書日下傳耆英故里拜

恩偏

余家世居耆英里

南來

愛看滄江雪西望還攜華嶽烟關右糧儲充舊賦淝中  
鹽鐵入新編追隨賤子懽尤劇不見公顏已八年

麥嶺

古磴盤空起東西兩礪分亂藤纏老樹片石割秋雲人  
影緣厓上鐘聲隔嶺聞坡公題壁處別薜覓遺文

雪後至開化寺

卽六和塔

晨興陟茶塢一叩衆妙門積雪在屋角鳴泉穿竹根寂  
歷林間磬縹緲風中幡心清得其境徑幽無雜喧猿鳥  
悅禪悟潮汐荅道言契茲象外象識彼尊者尊一覽滄  
江小渤碣誰討源何當尋虎跑試與坡公論

雪中汎舟至昭慶寺

不見四山影明湖清若空  
斷橋風色裏柔艣雪聲中  
客興隨流水春寒壓短篷  
林間鐘梵響停櫂訪禪宮

晚渡西興

渡頭天欲暝擊汰到西興  
江驛連村雪人家隔浦燈  
湯勞津吏候未向越山登  
明日剡中路扁舟興可乘

白鶴浦

揚舲向於越暝色迷前渚  
坐聞淅瀝聲剡溪渺何所  
微霰打孤篷愁人獨延佇  
隣舫寂不喧白鶴夜深語

陳氏園觀梅

鹽官城隅舊 賜園參差紅白花光繁紺衣蹁躑絳雪  
舞綃袂綽約璠雲翻色酣晨暹暎危榭影弄明月窺清  
尊夢來疑墮炎海國醉去便入羅浮村直倩丹砂換花  
骨更吹玉簫呼花魂衛公竹木尚無恙平津賓客今無  
存花下裴裒重怊悵啁晰但有幽禽喧只恐東風易狼  
籍珍重主人爲閉門

爲胡稚君題環山舊隱圖

夢憶龍眠好山山有白雲前朝餘舊隱之子抱遺文嵐  
翠綠坡合溪流繞屋分桃源如可訪僊洞幾斜曛

湖上作



小坡山人詩集 卷之六  
春來載酒榼偶行西湖濱  
累累見高冢荒丘臥麒麟  
冢中知爲誰遺骨委荆榛  
人生天地間飄忽等埃塵  
今日念昨日轉瞬跡已陳  
去者日以故來者日以新  
新故迭棄除歲月隨飈輪  
朱顏變白髮擾擾感勞薪  
勛名竟何有忝竊冠與紳  
服食復未得神僊難比倫  
且向湖上酌醉歌聊自申  
神游太古世仰慕無懷民

爲李春麓觀察題春林歸翼圖卽送其乞養歸金鄉二首

春風滿川麓吹彼芳樹枝  
有鳥懷故巢切切鳴其私  
翱翔在王路豈不戀明時  
忽感返哺恩戢翼欣在茲  
慈

竹蔭磊砢靈護蔚蔚聽彼鳥聲樂如和南陔詩  
君家濟水上門前幾株柳扁舟奉母歸歡然侍尊缶西  
湖地信美不若返林藪繡衣拜堂前殷勤爲母壽同儕  
送君行羨君不去口失侶轉怊悵湖干忽分手

送阿雨窗還京師兼寄鐵夫二首

海內論詩者如君忽左遷輕裝從北指別夢定南懸水  
驛花迷眼山程柳脫絲西湖送行處愁殺渡頭船  
鐵夫吾舊友牢落住京師相憶不相見憑君一問之題  
詩華陽館對酒金魚池唱和儻成什江南寄我詞

湖州

州連笠澤按圖經一夜鄉心滿洞庭聞說吳興山色好  
推蓬已見佛頭青

吳娃十五蕩湖船載得烏程酒十千好向窪樽亭上去  
醉來只愛峴山眠

塔名浮玉水彎環水上林嵐杳靄間欲訪坡公舊時蹟  
悔儂不到道場山

淪漣碧浪開明湖金支翠旗光有無蕩到湖心天欲暝  
四圍山色雨模糊

女牆蕭瑟遠煙昏松雪堂空薜荔存只有山川似圖畫  
夕陽粉本趙王孫

誰唱陽關腸斷聲  
霽溪溪女最多情  
笛中一夜梅花落  
煙月昏黃夢不成

石門道中

石門城邊溪水流  
禦兒溪畔放行舟  
短短橫塘三百里  
橈聲搖夢到蘇州

山塘

鸚鵡喚春眠紅闌映畫船  
簾垂三月雨  
槳劃半溪煙  
暗水窺明鏡  
香塵落翠鈿  
裙腰芳草色  
綠到美人邊

憶別

來時草草去匆匆  
蹤跡俄驚西復東  
應恨清尊容易別

小嶼山人詩集  
情深不及石尤風

垂虹南去柳初絲  
葉葉條條怨別離  
鶯脰湖邊重回首  
最銷魂是夕陽時

同舍弟小泗遊六一泉

暇日偕羣從言尋六一泉  
山僧欣煮茗吾輩媿安禪  
花氣白於水竹光寒到天斜  
陽惆悵別飛上半湖煙

偕田碧坡方伯謝蘊山廉使張穆菴觀察游雲栖寺有作

清晨出郭門亭午了公事  
山禽引客游一訪雲棲寺  
沿江岸屢轉入山徑逾遙  
松花落前崑經聲出空翠  
繞門

盡秣筴挂壁惟薜荔風聲常滿壑日色不到地沙彌供  
新薺茗戰聊其試枵腹已苦飢飯香出香積飽餐飫蔬  
筍肉食厭殺裁緬昔伏虎師安禪此高寄瓶鉢久已渺  
碑碣猶可識吾儕那免俗喧闐駐車騎悟石石悟不洗  
心心洗未寺有石悟軒洗心亭偶乞半月閒欲探上乘義夕陽又  
催歸回首如夢寐

春日汎舟西湖歌

西湖好山色娟娟如美人春來十日不相見相思昨夜  
愁芳春今朝瞥眼見嵐岫翠嶼濃拂新粧新西湖一奩  
作明鏡鏡中薄影涵青蘋冲融鈞蛇各殊態似笑非笑

小陽山人詩集 卷之九  
五  
顰非顰南北兩峯弄烟鬢幾闌邪尹分韓秦春山婉孌  
復嫵媚神輸色授情何親如何相見又相別山如送我  
山應嘆

西湖雜詩

馬塍廟前春風香花開踏徧松毛場記向十三樓下過  
一竿帘影捲斜陽  
蘼蕪新長綠鬢春水明湖昨夜增蘇小門前餘斷碣  
梨花寒食弔西陵

天風吹墮雲縷縷雲懶終日不出戶黃龍晝吟蝙蝠飛  
深洞沈沈滴春雨

謂懶雲窩及蝙蝠黃龍兩洞

寒泉一盞白雲隈  
却拜咸平處士來  
寂寞孤亭聞鶴語  
東風落遍墓門梅

臨平道中

春波一幘翦吳綾  
權入僊源似武陵  
隔塢人家深竹裏  
夕陽流水挂魚罾

煙中飛墮鳥雙雙  
掠水低斜傍釣艖  
夾岸桃花紅未了  
臨平山色到船窗

半篙畫舫劃波齊  
一片歌聲出水西  
斗酒雙柑春欲暮  
綠楊堤畔聽黃鸝

題倪文貞公蘭石



人醉烏程酒公歸鏡水秋中朝尚鉤黨吾道含林邱社  
稷遺弓在乾坤殉國休瀟湘思帝子蘭芷不勝愁

題張忠烈公聞笛詩便面

曾拜孤臣墓南屏草木斑

公葬南屏山之荔子峯下

生難扶趙昺死

只伴文山江上龍猶泣山中鶴不還依稀聞裂竹吹淚  
向間關

題徐侯齋先生山水冊子

吳下徐昭法靈巖土屋邊家畱卞壺節人比伯夷賢白  
髮前朝士青山出世緣餘情託毫素澗上飽雲煙

雷蘭皋自湖州守擢南贛兵備以詩送之

吳興太守近同舟別酒殷勤重別愁家貯一琴惟鶴伴  
蘭皋畱別吳興詩有故應琴鶴是家傳之句堂開六客有詩畱春風送遠樟  
亭莫他日懷人贛水流此去先經嚴子瀨江雲山樹叫  
鉤輞

悼亡詩十八首

藥爐經卷劫灰餘寂寞空堂燭地初簷雨淋浪聽不得  
無眠中夜泣鰥魚

執手倉皇此一時彌畱無語更堪悲不如歸去歸何處

白晝聲聲叫子規

沒之日庭前  
聞杜鵑聲

白髮蕭騷鏡裏愁回思萬事等浮漚俸錢湯說營齋奠

恩義平生總未酬

勸我歸耕葑上田歸田畢竟是何年年來事事成虛約  
一訣何堪竟九泉

從我名山杖策登春前同禮佛龕燈冷泉亭畔呼猿洞

忍向禪林更飯僧

今春正月二十八日值余生辰偕恭人禮佛於靈隱寺約以恭人生日再

同至寺已不果矣

休唱人間大可哀黃雞白日苦相催淒涼三十餘年事  
博得憑棺一慟來

燈前兒女泣遺雛啞啞枝頭啼白鳥情味半生蟲食蓼  
摩挲老眼淚先枯

官齋昨日接魚書兩女殷勤問起居此去驚傳凶問到

中閨慟哭竟何如

時大女在京師次女在無錫  
恭人歿之前一日俱有書至

續命鸞膠製不成白頭偕老負前盟縱教作達師蒙叟  
到底誰能一死生

微雲河漢隔銀牆無復星期設酒漿他日黃姑徒悵望

青天碧海雨茫茫

上年七夕余將自東歐赴武  
林恭人具酒餞爲余餞別

猶記看花撥綠醅鬢影微雨濕莓苔只今剩有看花恨

空向花前酌一杯

妖夢誰知果不祥只看遺挂便神傷夢醒回首還如夢

一度思君一斷腸

近余夢境甚惡哭  
泣而醒不謂竟驗

鬢絲禪榻颺春風  
哀樂中年到謝公  
塵世尋常生死事  
憐君作別太匆匆

柳花撲面水平堤  
咫尺家門路不迷  
獨立吟君腸斷句  
綠楊影裏畫橋西

乙巳春恭人自潞河南還舟中有句云千里歸帆渾似夢綠楊影裏畫橋西

藿鹽井臼歷辛勤  
檢點荆釵與布裙  
幻蛻定歸天上去  
人間何地更尋君

皤髮江鄉老父存  
知君遺恨總難論  
百年君亦垂垂老  
未得生前一弄孫

老去東坡喪魏城  
總帷蕭瑟泪縱橫  
憐儂痛極翻無泪

醒眼空留到五更

昏黃容易日西斜  
省識人生定有涯  
自此重泉消息斷  
更無書信報秦嘉

送內人喪還里

憐君二十嫁黔婁  
蜚駟相依一旦休  
地下有知如念我  
君魂應尚戀杭州

繡佛齋前了此生  
行行小字記分明

內人日誦大士經誦畢自記卷數于

冊

知君定已生天去  
一路香花送出城

是日天竺淨慈諸寺僧送者逾

人百

清泪無端灑白蘋  
送君歸旆五湖濱  
不須此日悲長別

誰是人間不死身

匆匆我復渡錢塘

余又有台州之行

拚得臨岐泣數行一片傷

心無著處亂蟬聲又送斜陽

余有事於甬江行館無俚觸緒增感望四明山未  
之登也有作

平生雅尚在園林塵跡勞勞恐不任皇廡未歸三畝宅

鹿門已負十年心劇憐橫海波濤惡

時患海盜

卻望名山薜

荔深老去徒慙筋力減支頤無那怯登臨

對芭蕉有感用讀畫山人韻

雨後碧如洗空堂生晚陰聲偏喧客耳葉不展愁心冉

冉冉芳土蕭蕭涼欲深美人一以別吾已斷瑤琴

海上感懷

遮道兒童看使君  
褰帷按部甬江濱  
連天鼓角喧秋戍  
橫海艤艫接暮雲  
故壘尚傳湯信國  
叢祠爭賽戚將軍  
莫愁烟島風波惡  
一紙應憑祭鱷文

四明山色失躋攀  
雪竇天童杳靄間  
日月無端催我老  
煙霞有分幾時閒  
了知塵世風中鷁  
未化愁心海上山  
何處更尋徐福去  
蒼茫獨立鬢毛斑

登天一閣觀藏書范氏後人復出碑目一冊索題  
爲全謝山錢辛楣兩先生前後訂定賦此



前朝司馬藏書館閣名夫一書萬焉盛事流傳三百年  
天公不遣隨飛電就中金石恣搜羅陳倉獵碣供摩挲

羸劉以來字亦古凡將急就無偏譌鮎埼亭翁

謝山先生有鮎

埼亭詩文集

好古者竹汀先生等歟雅編排甲乙燦列眉神

光寶氣紛紜問從來名蹟多塵埋遂初堂久湮蒿萊外  
家傳是亦散佚華嚴歷劫旋成灰只今閣中書最富娜  
嬛祕笈還如舊蝌蚪文字同不磨撫呵應有神鬼守甬  
東策騎訪清門定武蘭亭搨尚存奎章下燭照白日  
文采風流到耳孫

斑竹

行輿過斑竹身在修竹裏修竹入亂山竹與山迤邐寒  
翠落如雨山雲溼不起僊禽向我喧隨風到幽耳石樹  
同一色忽逗夕陽紫夕陽映前川娟娟媚媚秋水美人不  
可見我懷何時已

濯纓亭

在南明山

淙流響清泠孤亭倚層巘坐石濯塵纓白雲自舒卷梯  
空逼寒峽倒景朝夕變山鬼棲薜荔長松對偃蹇遐哉  
朱晦翁學道愜幽踐停轡息陽阿何緣謝軒冕

天姥山道者

道人住天姥百年惟種松松底數間屋萬古泉琤琮苔

老畱鶴跡煙深迷虎踪夜聞天雞唱月挂東南峯

太白祠

在新昌舊傳爲太白夢游天姥處

沃洲山色裏一徑暮烟深昔者李太白曾爲天姥吟海風吹客夢巖月照愁心我亦發高咏慨然成古今

將至天台

宵乘剡溪權曉踏天台松紅日已離樹白雲猶在峯心閒忘去住又聽海門鐘我欲隨孤鶴翠微知幾重

晚宿天台行館故齊息園侍郎舊第也感而有作  
忽過西州路羊曇淚不禁此邦先哲盡遺宅古苔侵患難生前劫文章死後心名山猶可訪荒壙白雲深

望天台山

初日漏松隙望見天台  
山山中白雲出忽滿川  
谷間我行歷層磴全身  
入雲去霏霏襲衣裳濛  
濛濕巾屨耳聞流泉鳴  
夾礧聲潺湲泠然奏琴  
筑如與幽人言我欲訪  
僊子鶴跡蒼苔上劉阮  
去已久桃花何時放

巾子峯

峯頭多白雲雲行翠微  
上僧語竹房深坐聽寒  
潮響

八仙巖

瀲灩澗邊泉時與松風  
語獨坐八仙巖僊人煉  
丹處

東湖樵夫

小鳴山人詩集 卷二 三  
海上一樵夫千秋姓氏無誰能獨仗節不惜竟捐軀燕  
子飛天塹龍髯泣鼎湖忠魂招未得寂寞野禽呼

天台道中作

少壯常思棄田里願入天台爲道士仕宦浮湛二十年  
蹉跎此志長已矣無端忽向天台行天半霞標赤城起  
足跡未歷桐柏觀獨往應尋太乙子山禽磔磔喚行屨  
勸我入山山亦喜瓊臺一聲吹玉笙僊人鶴背遙相俟  
熊咆虎嘯猿夜啼只隔石梁三十里如何半路界飛泉  
茫茫如阻銀河水欲到桃源徑又迷平生總被浮名累  
了知骨肉等幻泡何況紛紛說金紫白石青松不我畱

明朝仍墮紅塵裏

七夕

黃姑會合又今宵始信明河路未遙  
獨坐有人風露底更無靈鵲爲填橋

夜深秋思在誰家海角金飈惹鬢華  
鴈柱十二彈不得倚闌無語感匏瓜